

# Powšitkowne WOZJEWJENJA

njedźelu, 25. septembra 2011

## Nyšpor z požohnowanjom konjacych zapřahow

Towarstwo Cyrila a Metoda z.t., sekcija wěda a skutk, přeprašuje tež lětsa wěriwych ze wšitkich serbskich wosadow na wosebity nyšpor domchowanki. Tutón budže tutu njedźelu, 25. septembra, w 14 hodž. w Chróśćicach na łuce při Hatkach (za starownju). Nyšpor wobrubja wosadni dujerjo a chór Bratrowstwa. Na nim požohnuja so konjace zapřahi.

## Zetkanje putnikow

Njebjelčanski farar Beno Jakubaš přeprašuje wšitkich, kotřiž su lětsa w serbskej skupinje z Waršawy do Częstochowy putnikowali, k sebi na faru. Zetkanje budže sobotu, 1. oktobra, w 19.30 hodž.

## Zetkanje w Drježdźanach

Drježdźanscy Serbja, jich přiwuzni a přećeljo su přeprašeni na Božu mšu z fararjom Achimom Pjetašom njedźelu, 2. oktobra, w 17 hodž. do cyrkwy swjateho Antonija (Drježdźany-Löbtau, Bünaustr. 10). Kemšam přizamknje so bjesada.

## Beneficna kopańca

Koparska hra Serbskeje wubranki přećiwo mustwu Budissa Budyšin II zahwizda so pónđzelu, 3. oktobra, w 15.00 hodž. w Sportowym centrumje Jednota w Chróśćicach. Wunošk hry je za hłód tradacych w Somaliji postajeny.

## Duchowny koncert w Kulowje

Chór a instrumentalisća 1. serbskeje kulturneje brigady přeprašuja wšitkich na duchowny koncert do Kulowskeje farskeje cyrkwy, kotryž započnje so pónđzelu, 3. oktobra, w 19 hodž. Šulerjo zanjesu twórby serbskich, francoskich, italskich a němskich komponistow.

## Jězba do Naumburga

Dekanatne dušepastyrstwo we Worklecach přeprašuje džěci 5. a 6. lětnika wot wutory do pjatka, 18. do 21. oktobra, na jězbu do Naumburga. Džěci poputnikuja po Jakobowym puću na hród Neuenburg, wotkryja sej zajimawostki městow Naumburga a Erfurta a póndu wězo tež kupać. Za jězbu zběra so wot kóždého wobdžělnika přinošk we wysokosći 60 eurow. Zajimcy njech so prošu hač do wutory, 4. oktobra, pod telefonowym čislom (03 57 96) 8 87 07 we Worklecach přizjewja.

## Swobodne městna za młodostnych

W Domje swjateje Ludmile poskićamy městnje za swobodne socialne lěto a swobodnu službu. Wobě městni so ze zakonskej pawšalu zarunatej. Zajimcy njech so na wjednistwo domu pod telefonowym čislom (03 57 96) 9 47 30 wobroća.

## Zhromadny dzeń za 1. a 2. lětnik

Šulerki a šulerjo 1. a 2. lětnika, kotřiž chcedža tójšto wo zajimawym swjatym, kiž bě wosebje z Božej stwórbu zwjazany, zhonić, su přeprašene sobotu, 8. oktobra, wot 9 do 15 hodź. do Don Boskowneho domu we Worklecach. Zajimcy njech so prošu hač do wutory, 4. oktobra, pod telefonowym číslom (03 57 96) 8 87 07 we Worklecach přizjewja. Za wudawki zběra so wot kóždeho wobdźělnika přinošk we wysokosci třoch eurow.

## Něhdyši korespondent ZDF w NDR porěči w Chróśćicach

Joachim Jauer, wjelelětny korespondent telewizijneho sćelaka ZDF, kotryž je z NDR a wuchodnych krajow rozprawjał, změje pónđzelu, 10. oktobra, w 19.30 hodź. (po różowcowej pobožnosći) w Chróśćicach na farje přednošk. Jako wuběrný znajer poměrow w něhdyšich socialistiskich krajach porěči wón k temje „Podźěl křesćanow na zwrěšćenju komunizma we wuchodnej Europje“. Joachim Jauer je tež znaty ze swojeho nawodnistwa wusyłanjow ZDF „Kennzeichen D“. Wot 1987 do 1990 bě wón wosebity korespondent za srjedźnu a wuchodnu Europu. Wón bu z chronistom „somoćaneje rewolucije“. Jako jenički zapadny telewizijny korespondent je wón 2. meje 1989 wo wotewrjenju „železneho zawěška“ rozprawjał, potajkim wo wottwarje hraničnych připrawow mjez Madžarskej a Awstriskej. Hižo tehdy w meji formulowaše: „Džensa skónči so štyrcecílětnje dźělenje Europy do wuchoda a zapada. To změje njewotwidžomne scěhi – za Europu, za Němcow w Zwjazkowej republice a předewšěm w NDR.“

Joachim Jauer porěči w Chróśćicach na přeprašenje sekcije wěda a skutk Towarstwa Cyrila a Metoda. Wšitcy su k tomu wutrobnje přeprašeni. Zastup je darmotny. Referent poskići na tym wječoru swoju knihu „Urbi et Gorbis – Christen als Wegbereiter der Wende“, kotraž je před lětomaj w nakładnistwje Herder wušla, a budže ju zajimcam tež signować.

## Swójby zhromadnje do noweho lěta

Na zhromadne dny do Winfriedowneho domu w Schmiedebergu su swójby wot pjatka, 30. decembra 2011, do njedzele, 1. januara 2012, přeprašene. Započatk je pjatk z wječerju. Zakónčimy dny Nowe lěto z wobjedom. W tutech dnjach chcemy zhromadnje rozmyslować, so modlić, w dobrej towaršliwosći přebywać a tak do noweho lěta přeńć. Płaćizny na wosobu wučinja na dorosćeneho 48 eurow, na dźěćo w starobje 12 do 21 lět 42 eurow, w starobje 6 do 11 lět 30 eurow, w starobje 2 do 5 lět 22 eurow. Za dźěćo pod dwěmaj lětomaj je wobdźělenje darmotne. Za třěbny material wuprošamy sej na wosobu tři eura. Zajimcy njech so pola Dekanatneho dušepastyrstwa we Worklecach přizjewja, telefonowe čísto (03 57 96) 9 55 95.

*Daniela Čemjerowa*